

ԿԱՐԾԻՔ

Գայանե Սերգեյի Հարությունյանի «Երաժշտությունը որպես նախադպրոցական տարիքի երեխաների ազգային ինքնության զարգացման միջոց» խորագրով ատենախոսության մասին. ՃԳ.00.02 – «Դասավանդման և ուսուցման մեթոդիկա» (Երաժշտություն) մասնագիտությամբ մանկավարժական գիտությունների թեկնածուի գիտական աստիճանի հայցման համար:

Գայանե Հարությունյանի «Երաժշտությունը որպես նախադպրոցական տարիքի երեխաների ազգային ինքնության զարգացման միջոց» ատենախոսական աշխատանքն իրականացված է արդիական թեմայով և ավարտուն ինքնուրույն բազմամյա հետազոտություն է:

Հետազոտության թեմայի արդիականությունն ընդգծվում է ոչ միայն ժամանակակից նախադպրոցական տարիքի երեխաների ազգային ինքնության զարգացման խնդրի մշակման և աճող սերնդի գեղարվեստական կրթության կարևորությամբ, այլ նաև այս խնդիրների առնչությամբ, հատկապես հայկական սփյուռքում՝ ավելի մասնակի՝ Բեյրութի Ազգային Եղիշե Մանուկյան քոլեջի «Միրան Մանուկյան» մանկապարտեզի կյանքական հենքով խորը մենագրական հետազոտությունների բացակայությամբ:

Այս իմաստով Գայանե Հարությունյանի ատենախոսությունը ժամանակի պահանջի արգասիքն է. որի նպատակն է նախադպրոցականների ազգային ինքնության զարգացման առանձնահատկությունների բացահայտումն ու մանկավարժական պայմանների մշակումը:

Գրախոսվող աշխատանքը գրված է տրամաբանորեն ծրագրավորված պլանով և իր մեջ ընդգրկում է խորը գիտական հիմնախնդրի մշակում՝ ունենալով կարևոր գեղարվեստամշակութային նշանակություն:

Ատենախոսությունը բաղկացած է ներածությունից, երեք մասից, եզրահանգումից, մատենագիտական ցանկից, հավելվածից:

Ներածական մասում պատճառաբանված է հետազոտության, խնդրի արդիականությունը, բանաձևվում են հետազոտության օբյեկտն ու առարկան, նպատակը.

խնդիրները, հետազոտության գիտական ենթադրությունը և հետազոտման ձևատեսությունը, նրա գիտական նորույթը, տեսաբանական ու գործնական արժեքը, պաշտպանության ենթակա դրույթները:

Հանգամանորեն մշակվել է տեսական և փորձառական մեթոդիկան, որը թույլ է տվել խորը և արդյունավետ լուծելու առաջադրված բոլոր խնդիրները:

Շեղիեակր նախադպրոցական տարիքի երեխաների /սփյուռքի/ ազգային ինքնության զարգացման խնդրի լուծման մեջ կանոքում է մանկավարժական պայմանների բովանդակությունը, ձևերն ու մեթոդները, որոնք համապատասխանում են ժամանակակից գիտական պահանջներին, մեթոդներին, կրթական վերափոխումներին և ապահովում են շրջապատող աշխարհի վերաբերյալ մշակութային պահանջմունքներ:

Ատենախոսության առաջին մասը նվիրված է նախադպրոցական տարիքի երեխաների ազգային ինքնության զարգացման խնդրում հայկական երաժշտության ուսումնասիրման տեսաբանական հիմնավորմանը, գեղարվեստական դաստիարակության հասկացությունների ու սկզբունքների որոշարկմանը, սփյուռքի հայ երեխաների ազգային ինքնության զարգացման գործընթացում հայկական երաժշտության դերին:

Աշխատության երկրորդ մասում դիտարկվում է երաժշտության գիտատեսաբանական հիմքերը՝ որպես ուսումնական առարկայի, տեսաբանորեն հիմնավորվում է երաժշտական գործունեության ընթացքի մեջ նախադպրոցականների ազգային ինքնության զարգացման ուղղորդման գործընթացը, բացահայտվում են հայկական մանկական կենտրոններում երեխաների գեղարվեստական կրթության հոգեբանամանկավարժական առանձնահատկությունները: Այնուհետև բացահայտվում են հայկական երաժշտության փորձարարական ուսուցման ձևատեսությունն ու գիտական հիմունքները սփյուռքահայ նախադպրոցական կառույցներում:

Ատենախոսության երրորդ գլխում բացահայտվում է նախադպրոցական տարիքի երեխաների ազգային ինքնության զարգացման ձևատեսությունն ու բովանդակությունը Բեյրութի Ազգային Եղիշէ Մանուկյան քոլեջի Սիրան Մանուկյան մանկապարտեզի օրինակով:

Եզրահանգման մեջ բերվում են հետազոտության հիմնական հետևությունները:

Հավելվածում ներկայացված են փորձարարական ծրագրով անցկացրած ուսումնական ողջ ընթացքը և արդյունքների հրապարակումը:

Ատենախոսական հետազոտության արդյունքում լուծված են առաջադրված բոլոր խնդիրները, հաստատված է գիտական ենթադրությունը:

Գայանե Հարությունյանի գիտական նորույթն ու տեսաբանական արժեքն ամփոփվում է հայկական երաժշտության առանձնահատուկ դրսևորմամբ՝ - որպես նախադպրոցական տարիքի երեխաների ազգային ինքնության զարգացման յուրահատուկ ձև, որպես աճող սերնդի հայեցի դաստիարակության միջոց:

Անցկացված տեսագործնական վերլուծությունների արդյունքում լուծված են առաջադրված բոլոր խնդիրները: Ավելի հստակ՝

- Վերլուծվել է Հայ երաժշտամանկավարժական մտքի զարգացման նախադրյալները
- Քննարկվել է նախադպրոցական տարիքի երեխաների ազգային ինքնության և երաժշտական ընդունակությունների զարգացման տեսամեթոդաբանական հիմքերը
- Մշակված և փորձարկված են նախադպրոցական տարիքի երեխաների ազգային ինքնության զարգացման մեթոդական ապահովումն ու դրա փորձարարական հիմնավորումը:

Ատենախոսության մեջ ներկայացված են բազմամյա փորձի արդյունքները՝ տեքստային նյութին զուգահեռ ակնառու նյութ-աղյուսակներ, գծապատկերներ, որոնց համալիրը համոզիչ կերպով հաստատում է առաջ քաշված գիտական դրույթների ճշմարտացիությունը, հաստատում վարկածի հիմնական ուղղվածությունը, ակնառու պատկերում գիտափորձի էլքը և նրա հիմնական արդյունքները:

Հատկապես հարկավոր է նշել, որ ատենախոսի կատարած գիտափորձը և խորը տեսագործնական վերլուծությունը հնարավորություն է տվել հաստատելու մի շարք գիտական փաստեր, որոնք նկատելի փոխում են ուսումնասրաստիարակչական գործընթացը նախադպրոցական կառույցներում:

Աշխատանքի ընդհանուր արժանիքներից պետք է նշել այն հանգամանքը, որ այն ավարտուն, ամբողջական և ժամանակակից հնչողություն ունեցող հետազոտություն է, որում դրսևորված են հեղինակի ինչպես տեսական, մեթոդաբանական, այնպես էլ հոգեբանամանկավարժական գիտելիքները:

Վերը թվարկածի կողքին կարելի է նշել որոշ բացթողումներ, որոնք օբյեկտիվորեն առնչվում են ատենախոսությանը:

1. Գիտական ապարատում /ներածությունում/ սահմանումները պետք է լինեն ամփոփ, հստակ ձևակերպված՝
 - ա. Գիտական նորությամ՝ ներառել հիմնական ձևակերպումները (1-3 կետերի սահմաններում)
 - բ. եզրակացության մեջ հետևությունները պետք է համապատասխանեն գիտական նորության, խնդիրների, վարկածի և դրույթների հետ:
2. Ատենախոսության շարադրանքում ներառնված են հեղինակներ, որոնք բացակայում են գրականության ցանկում /131 էջում՝ շարությունյան Գ. №58, 122-ում *Выгодский*, 64 էջում Միշորի, Տեպլովի, Ցիպինի անունները, շարադրանքում ցիտված է Մ. Կազինիկին, գրականության ցանկում բացակայում է . . . և այլն/
3. Ատենախոսության ծավալը գերազանցած է թեկնածուական հետազոտական աշխատանքին վերագրվող չափանիշից՝ /125-130 էջ/, սոյն ատենախոսության ծավալը 175 էջ է:
— Նուսափելու համար կարելի էր կրճատել II- 1 ենթագլուխը-30 էջ է և III- 2-ը-42 էջ է:
4. Ատենախոսության հավելվածը՝ 105 էջ, պետք է առանձնացվի և էջանշվի առանձին, չունենալով ընդհանրություն աշխատության շարադրանքի հետ:
5. Գրական ցանկը շատ ծավալուն է ներկայացված՝ 175 անուն, որից ցիտված է 58-ը՝ 1/3-ը, անհրաժեշտ է բեռնաթափել:

ԵԶՐԱԿԱՅՈՒԹՅՈՒՆ

Նկատի ունենալով Գայանե Մերգեյի Հարությունյանի «Երաժշտությունը որպես նախադպրոցական տարիքի երեխաների ազգային ինքնության զարգացման միջոց» խորագրով ատենախոսության ամբողջականությունը /արդիականությունը, նպատակը, խնդիրները/, որը բավարարում է ՀՀ ԲԿԳԿ-ի №7 կետի պահանջներին, միջնորդվում է Խ. Աբովյանի անվան հայկական պետական մանկավարժական համալսարանի գիտական աստիճաններ շնորհող 020 մասնագիտական խորհրդի առջև, նրա հեղինակին՝ Գայանե Մերգեյի Հարությունյանին շնորհելու իր հայցած՝ մանկավարժական գիտությունների թեկնածուի գիտական աստիճանը:


Պաշտոնական ընդդիմախոս մանկ. գիտութ. դոկտոր, պրոֆեսոր
ՌԴ ԿԱ ակադեմիկոս
ՀՀ արվեստի վաստ. գործիչ


Լ. Ս. Ներսիսյան
18.06.2024.

Պրոֆ. Լ. Ս. Ներսիսյանի ստորագրության իսկությունը հաստատում եմ.

Խ. Աբովյանի անվան ՀԱԿ Խորհրդի անդամ,
մանկ. գիտ. թեկնածու, պրոֆեսոր




Մ. Ս. Խաչիկյան